

國

朝

詞

綜

國朝詞綜卷五

青浦王昶纂

顧貞觀 十五首

錢芳標 八首

何鼎 二首

張英 一首

陳玉璫 一首

汪懋麟 一首

何龍文 一首

宮夢仁 一首

徐乾學 一首

王士禔 一首

李振裕 一首

葉燮 一首

錢霞 一首

曹鑑平 一首

徐倬 一首

王鴻緒 一首

王 燮 一首

馬鳴鑾 一首

汪鶴孫 一首

顧貞觀

字華峯號梁汾無錫人康熙五年舉人官國史院典籍有彈指詞三卷

杜紫綸云彈指詞極情之至出入南北兩宋而奄有衆長

浣溪沙

梅

物外幽情世外姿  
凍雲深護最高枝  
小樓風月獨醒時  
一片冷香惟有夢  
十分清瘦更無詩  
待他移影說相思

歸國遙

舒玉腕門草昨羸  
纏臂換明日湔裙  
誰伴問他伴不營

幾疊纔開羅扇莫教題字滿空却回文一半有人親  
落款

南鄉子 擣衣

嘹唳夜鴻鳴葉滿階除欲二更一派西風吹不斷秋聲  
中有深閨萬里情 廊上月華清廊下霜花結漸成今  
夜戍樓歸夢裏分明人在迴廊曲處迎

柳初新 水仙祠下柳

南朝一片傷心雨揔被垂垂畱住水村山郭紅橋倚徧  
極目亂飄金縷能有春情幾許怕重來撲天飛絮 當  
日別離無據知他可憶長亭語零鈴唱罷酒醒殘月只

在踏青歸處添得倚風凝竚念天涯有人羈旅

雙雙燕

用史邦卿韻

單衣小立正秋雨槐花鬢絲吹冷屏山幾曲猶憶畫眉  
人並殘葉暗飄金井問燕子歸期未定傷心社日辭巢  
不是隔年雙影碧螢生憐苔潤伴欲折垂條越加輕  
俊爲他縈繫絮語一簾煙暝容易雕梁占穩待二十四  
番風信重來喚取疎狂半刻玉肩偷凭

百字令

冷清清地便懽場也只不情不緒况是鬢絲禰榻畔禁  
得幾番秋雨蘭炮微沉桃笙半疊瘦盡爐煙縷香深醉

淺此愁何減羈旅 不過絮斷柔腸亂蛩多事切切空  
堵語二十五聲清漏永渾是碎人心處翠濕雲鬟涼侵  
雪腕莫更催機杼知他睡否畏憐別夢無據

一絡索

推枕依然似昨鬢香雲閣欲擡雙眼尙瞢騰記夢語無  
端錯 何處一聲催覺曉鶯簾幙眠時親手繫花鈴又  
微夜風吹薄

眼兒媚

手捲湘簾雨初收雙燕小紅樓釀花天氣護花心性一  
樣溫柔 知他底事長無語鈿帶縛箜篌箇中須解寒

應勝暖春不如秋

采桑子

秋來看盡星河也只是孤眠多謝嬋娟再放山樓一夕  
圓 牀頭澗響渾疑雨滴破蒼煙小字香箋伴過泠泠  
徹夜泉

木蘭花慢

憩孔雀庵其旁爲馬湘蘭故居

數鳴珂舊曲誰第一擅歡場有燕骨千金楚魂九畹姓  
字餘香秦淮尙流膩粉奈溫柔改署白雲鄉碎玉一聲  
何處迢迢銀漢紅牆湘蘭理鬢墜一寶釵徐語散花  
侍兒日久不聞碎玉聲矣親許嫁王昌半偈宿緣償任長板橋頭夜深清咽別是

淒涼鄰庵漫題孔雀更難尋三十六鴛鴦對此莊嚴妙  
相從他惱亂愁腸

真珠簾

櫻桃宴罷人歸後正煙籠澹月疎窗如畫紅藥闌邊當  
日親携素手睡起微聞花歎息賸一縷相思誰剖依舊  
對漂香泊粉幾枝春瘦別久心期輕負爲深憐痛惜  
越添憊憊十載綺羅情付昨宵殘酒誰道酒醒都是恨  
只剗地曉風楊柳知否古今來一例斷腸回首

金縷曲

秋暮登雨花臺

此恨君知否問何年香消南國美人黃土結綺新妝看



未竟莫報諸軍飛渡待領畧傾城一顧若使金甌常怕  
缺縱繁華千載成虛負瓊樹曲倩誰譜重來庾信哀  
難訴是耶非烏衣朱雀舊時門戶如此江山剛換得才  
子幾篇詞賦弔不盡人間今古試上雨花臺上望但寒  
煙衰草秋無數聽嘹唳雁行度

百字令

荆溪雨泊用史梅溪韻畱別陳其年史蝶庵諸同學

花前鬢影被東風吹上一絲絲白算只浮家堪位置第  
一飄零詞客果擲迷香鞭遺輓繡彈指成遙隔茶煙蓬  
底看炊蟹眼如雪錯道舊雨無情佳時却恁誤了鶯  
和蝶僕本多愁消不起看畫溪山風月蝦籠船蛟橋

酒幔麗景從消歇津亭回首嫩條誰與同折

賀新郎

寄吳漢槎寧古塔以詞代書

季子平安否便歸來生平萬事那堪回首行路悠悠誰  
慰藉母老家貧子幼記不起從前杯酒醺醺人應見  
慣料輸他覆雨翻雲手冰與雪周旋久淚痕莫滴牛  
衣透數天涯依然骨肉幾家能勾比似紅顏多薄命更  
不如今還有只絕塞苦寒難受廿載包胥承一諾盼烏  
頭馬角終相救置此札君懷袖

又

我亦飄零久十年來深恩負盡死生師友宿昔齊名非

忝竊試看杜陵消瘦會不減夜郎僂傴薄命長辭知己  
別問人生到此淒涼否千萬恨爲兄剖 兄生辛未歲  
丁丑其些時冰霜摧折早衰蒲柳詞賦從今須少作畱  
取心魂相守但願得河清人壽歸日急翻行步稿把空  
名料理傳身後言不盡觀頓首

錢芳標

字葆汾江南華亭人康熙五年舉人官中書舍人有湘瑟詞四卷

彭羨門云葆汾居清切之地雍容都雅名滿海內乃詞名湘瑟若以仲文自况夫曲終江上句非不工然寥寥十韻何至乞靈神助以視是編之驚才絕艷大厯才人殆不免有媿色矣

轉應曲

楊柳楊柳影蘸湖橋別酒平明小雨霏微那更離亭絮  
飛飛絮飛絮人與春光俱去

雪獅兒 咏猫同錫鬯作

花趺卧醒又悶起十二闌邊一雙蝶舞繡倦空閨幾遍  
春纖親撫奔騰玉距亂蠅拂紅絲千縷試驗取雙瞳似  
線庭陰日午 好是蠶時早乳問當年果否其調鸚鵡  
入蜡迎來何處遠村巫鼓雲圖錦帶漫榻得張家遺譜  
燈明處合對金猊小炷 張泌妝樓記云張搏好猫有雲  
圖錦帶諸名價值數金又黃尊  
師善  
畫猫

解連環 蘆花玉峯道中偶成

暮江蕭瑟滿汀洲點綴楚天秋色映一片敗葦枯荷肯  
漫學東風柳綿無力雪意垂垂恰藏箇小船吹蓬伴閒  
漁露頂宿鷺聯拳一般頭白 宵來緒風漸側捲銀濤  
萬點墮岸千尺認空濛霧雨聲中却蟾影低篩雁程遙  
碧憔悴徐娘悵老去風情非昔記年年前裙水畔嫩芽  
乍坼

倦尋芳

和道嵩咏綠蝴蝶

抱枝似葉塗翅非鉛羅片新剪魄化青陵猶帶壠煙愁  
蒨蘼牆低蒲塘淨羨渠小影無人見又娟娟逐銜花翫  
翠戲過閒慢 試飛上鳴蟬薄鬢碧玉搔頭誰辨真贋

一抹裙腰剗地樾陰尋遍夢去應沾浮螳虺撲來偏映  
乘鸞扇囑滕王寫入霜綃簫痕休淺

卜算子

寒食雨和煙染出鶯兒淺依舊垂垂千萬條暗把春愁  
綰寂寞掩長門搭向欄干半多少鶯梭織未成燕尾  
休頻剪

南歌子

欲住還飄雨將殘未滅燈酒醒恨難勝曉看山枕上淚  
痕凝

又

添麝更衣後挑朱對鏡時故故弄妝遲日高牽女伴折  
花枝

憶少年

小屏殘燭小窗殘雨小樓殘夢銖衣已煙散只繡蕪香  
重錦瑟華年愁裏送便淒涼也無人其傷心白團扇  
畫秦娥簫鳳

何

鼎字晴山山陰人康熙五年舉人  
官長葛縣知縣有香草詞一卷

錦堂春

消受梅花氣味禁持柳絮心情平康院裏多明月知弄  
玉靴笙粉印燈前舊夢香癡枕上新盟畫船久別紅

橋路閒殺小啼鶯

雙雙燕

留別胡韋若王夢九金子閣張長威

瘦蘆釀雪更林綴春紅冷秋如許征衫纔着雙槳頻頻  
催去山也可憐別緒便遮斷故鄉雲樹橫斜帆影移過  
盡是舊曾行處還住尋常沽醕對名勝江山故人如  
遇枕潯眠月一任雁聲淒楚夢裏鶯歌燕舞憶曾共踈  
狂朋侶萍飄恁日歸來翦燭小窗同賦

張

英

字敦復桐城人康熙六年進士  
官至文華殿大學士諡文端

沁園春

題蒼梧詞

別業蒼梧北郭青溪扁舟往來羨秋風蓴鱸步兵逸興



春山書畫海嶽仙才空澤浮家銅峰着屐不許詞人賦  
七哀堪酬和有冰清玉映吟賞高懷 花間詠傍粧臺  
揔釵鏡翠香何有哉更翠娘拂素錦毫揮灑紅兒顧曲  
舞袖低徊鸚鵡聲中水晶簾捲綺閣風生笑語開流傳  
徧寫綵鸞千本清絕纖埃

陳玉璫

字廣明武進人康熙六年進士官中書舍人有耕煙詞一卷

望江南

薄暮泛舟東郊

芳堤畔同步小溪橋濃樹一林遮塔影短牆三尺露花  
梢野徑轉漁樵

汪懋麟

字季角江都人康熙六年進士官刑部主事有錦瑟詞一卷

憶秦娥

遮團扇春風吹綻桃花片桃花片朝霞半暈殘脂微澱  
天然素質鉛華賤從教傅粉何郎羨何郎羨願爲鸞  
鏡朝朝相見

何龍文

字信周德化人  
康熙八年舉人

江城子

憶別

別時猶自怯春殘剪刀寒坐更闌小語叮嚀珍重記加  
餐却愛子規沿路叫歸去也早回鞍而今不覺已秋  
還路漫漫恨漫漫暗約當歸何事隔關山只有相思千  
里月清雲下好同看

宮夢仁

字宗袞泰州人康熙九年會試第一歷官福建巡撫

蝶戀花

茉莉

良嶽當年行樂處珠萼冰蕤移自炎洲路韻比江梅宜  
帶雨芬飄山麝偏凝露絕愛佳人臨日暮笑摘芳菲  
斜比鸞釵度綉枕聞香香半吐餘香猶挽絲籠護

徐乾學

字原一號健庵崑山人康熙九年進士官至刑部尙書有澹園集

鶴沖天

題純鮫小像和葆初原韻

圓沙枉渚識是君棲處柳汁染君衣多佳句偏情濃煙  
水戲畫作扁舟住儘命儔嘯侶桂槳篷窗不讓當年桑  
苧風清日暮鷗鷺隨人去沽酒東生薪和雲煮喫玉

童把蘂忽吹散江天雨近前恐未許一捻腰支消盡柳  
絲愁緒

一 王士祜

字叔子山東新城人康熙九年進士有古鉢集

醜奴兒令

留別阮亭家兄

去年今月三日嚴寒天欲雪不憚衝寒舊約重來白板  
船 今年今月回首西陵人又別欲去仍畱風馬雲帆  
各自愁

李振裕

字維饒吉水人康熙九年進士官至戶部尚書

山花子

秋日過錢塘江

一葉飄然自在行層巒回首勢縱橫恰值晚波明似鏡

好風輕 海氣遠浮天  
三月江湖直抵富陽城  
歷歷賓鴻嘹唳處  
岸莎平

葉

變

字星期嘉善籍吳江人康熙九年進士官寶應縣知縣

遐方怨

閨情

粧未了日高升  
菱花眉暈小  
蘭葉髻雲橫  
簾通煙篆曉  
痕平寶釵斜  
膩墜無聲  
春漸老  
帶圍輕  
簪鵲頻偷報  
應知門草羸  
晝長無事理銀箏  
困人疎雨小池亭

錢

霞

字赤城嘉善人康熙九年進士官承德縣知縣

憶秦娥

老

湖

半捲香風好  
香風好日長  
人倦殘紅不掃

秦樓百尺簫聲杳王孫何處迷芳草迷芳草盡眉啼  
過暗傷懷抱

曹鑑平

字掌公嘉善人康熙十一年舉人官中書舍人有南溪集

長相思

月朦朧霧朦朧杜宇啼殘畫檻東梨花細雨中  
山幾重水幾重水遠山遙信未通相思伴落紅

徐倬

字方虎德清人康熙十二年進士官翰林院侍讀後家居加吏部侍郎有水香詞一卷

柳梢青

老矣疎頑紅塵赤日何事拘牽眼望南雲身依北闕夢  
繞西山而今只學枯禪閉老屋蕭蕭暮寒兩屐徒存

五車休問一味偷閒

王鴻緒

字季友江南華亭人康熙十二年進士官至工部尚書

畫堂春

東風軟透露花香捲簾燕燕歸梁曉霞鏡裏門明妝新  
樣眉長斜倚回闌獨立低頭笑撚垂楊夜來清夢到  
瀟湘獨自思量

王

燮

字子和嘉興人康熙十二年進士官阜城縣知縣遷吏部主事

蝶戀花

春閨

開徧天桃常惹恨燕子啣來特地傳芳信幾度閒園空  
落盡如今漸是清明近昨日倚樓閒整鬢柳絮空簾

添與人愁悶春爲多情春也困亂紅如雨飛成陣

馬鵠

字殿聞崑山人康熙十二年進士官至戶部侍郎

浪淘沙

雙鶯欲堆鴉臉暈紅霞鶯啼花影落窗紗十二巫峯渾  
是夢雨細雲斜  
油壁下香車回首天涯紅闌繡幙阿  
誰家秋扇暗拋腰帶減自惜韶華

汪鶴孫

字悔坡錢塘人康熙十二年進士授庶吉士有蔗園詩餘一卷

浣溪沙

午睡

嫩綠毵毵日半低困人天氣掩深閨近來腰瘦帶應知  
繡幄風開疑蝶亂玉樓夢遠怕鶯啼此時心事倩誰



題

國朝詞綜卷六

青浦王昶

纂

性德三十一首

張翼一首

高層雲十首

胡會恩一首

張集一首

沈三曾一首

沈涵一首

葉舒崇四首

儲右文一首

毛遠公一首

王修玉一首

吳璘一首

趙執信一首

楊大鶴一首

沈朝初二首

性德

原名成德字容若滿洲正白旗人康熙十二年進士官侍衛有飲水詞三卷顧梁汾云容若詞一種淒婉處令人不能卒讀人言愁我始欲愁陳其年云飲水詞哀感頑艷得南唐二主之遺

如夢令

黃葉青苔歸路屨粉衣香何處消息竟沉沉今夜相思幾許秋雨秋雨一半因風吹去

采桑子

誰翻樂府淩涼曲風也蕭蕭雨也蕭蕭瘦盡燈花又一宵不知何事縈懷抱醒也無聊醉也無聊夢也何曾到謝橋

又

冷香縈遍紅橋夢夢覺城笳月上桃花雨歇春寒燕子  
家 笙篴別後誰能鼓腸斷天涯暗損韶華一縷茶烟  
透碧紗

訪金門

風絲裊水浸碧天清曉一鏡濕雲青未了雨晴春草草  
夢裏輕螺誰掃簾外落花紅小獨睡起來情悄悄寄  
愁何處好

浣溪沙

消息誰傳到拒霜兩行斜雁碧天長晚秋風景倍淒涼

銀蒜押簾人寂寂  
玉釵敲燭信茫茫  
黃花開也近重陽

又詠五更和湘真韻

微暈嬌花濕欲流  
簾紋燈影一生愁  
夢回疑在遠山樓  
殘月暗窺金屈戌  
軟風徐蕩玉簾鉤  
待聽隣女喚梳頭

又

蓮漏三聲燭半條  
杏花微雨濕輕綃  
那將紅豆記無聊  
春色已看濃似酒  
歸期安得信如潮  
離魂入夜倩誰招

又 古北口

楊柳千條送馬蹄北來征鴈舊南飛客中誰與換春衣  
終古閒情歸落照一春幽夢逐遊絲信口剛道別多  
時

又

萬里陰山萬里沙誰將綠髮鬪霜華年來強半在天涯  
魂夢不離金屈戌畫圖親展玉鴉叉生憐瘦減一分  
花

蝶戀花

又到綠楊曾折處不語垂鞭踏遍清秋路衰草連天無

意緒鴈聲遠向蕭關去 不恨天涯行役苦只恨西風  
吹夢成今古明日客程還幾許霑衣況是新寒雨

南歌子

翠袖凝寒薄簾衣入夜空病容扶起月明中惹得一絲  
殘篆舊薰籠 暗覺歡期過遙知別恨同疎花已是不  
禁風那更夜深清露濕愁紅

又

暖護櫻桃蕊寒翻蛺蝶翎東風吹綠漸冥冥不信一生  
憔悴伴啼鶯 素影飄殘月香絲拂綺櫺百花迢遞玉  
釵聲索向綠窗尋夢寄餘生

鳳凰臺上憶吹簫

錦瑟何年香屏此夕東風吹送相思記巡簷笑罷共撚  
梅枝還向燈花影裏催教看燕蠟雞絲如今但一編消  
夜冷暖誰知 當時歡娛見慣道歲歲瓊筵玉漏如斯  
悵難尋舊約枉費新詞次第朱旂剪綵重簾畔又轉蛾  
兒重驗取盧郎青髻未覺春遲

又 除夕得梁汾閩中信因賦

荔粉初裝桃符欲換懷人擬賦然脂喜螺江雙鯉忽展  
新詞稠疊頻年離恨匆匆裏一紙難題分明見臨臈重  
發欲寄遲遲 心知梅花佳句待粉郎香令再結相思



辛稼軒客三山有  
梅花相思之句  
記畫屏今夕曾共題詩  
獨客料應無

睡慈恩夢那值微之重來日  
梧桐夜雨却話秋池

眼兒媚

重見星娥碧海楂  
忍笑却盤鴉  
尋常多少月明風細  
今夜偏佳  
休籠彩筆  
閒書字  
街鼓已三過  
烟絲欲裊露  
光微泣  
春在桃花

秋千索

淡水亭春望

藥闌携手銷魂侶  
爭不記看承人處  
除向東風訴此情  
奈竟日春無語  
悠揚撲盡風前絮  
又百五韶光難住  
滿地梨花似去年  
却多了  
廉纖雨

又

遊絲斷續東風弱無語半垂簾幙茜袖誰招曲檻邊弄  
一縷秋千索惜花人其殘春薄春欲盡纖腰如削新  
月纔堪照獨愁却又照梨花落

好事近

簾外五更風消受曉寒時節剛剩秋衾一半擁透簾殘  
月爭教清淚不成冰好處便輕別擬把傷離情緒待  
曉寒重說

太常引

自題小照

晚來風起撼花鈴人在碧山亭愁裏不堪聽那更雜泉

聲雨聲 無憑踪跡無聊心緒誰說與多情夢也不分  
明又何必催教夢醒

山花子

欲話心情夢已闌鏡中依約見春山方悔從前真草草  
等閒看 環佩祇應歸月下鈿釵何意寄人間多少滴  
殘紅鵲淚幾時乾

菩薩蠻

過張見陽山居賦贈

窻前桃蕊嬌如倦東風淚洗臙脂面人在小紅樓離情  
唱石州 夜來雙燕宿燈背屏腰綠香盡雨闌珊薄衾  
寒不寒

又寄梁汾茗中

知君此際情蕭索黃蘆苦竹孤舟泊烟白酒旗青水村  
魚市晴 柁樓今夕夢脉脉春寒送直過畫眉橋錢塘  
江上潮

清平樂

風鬟雨髻偏是來無準倦倚玉闌看月暈容易語低香  
近 軟風吹過窻紗心期便隔天涯從此傷春傷別黃  
昏只對梨花

一叢花 詠並蒂蓮

闌珊玉佩罷霓裳相對綰紅妝藕絲風送凌波去又低

頭顚語商量一種情深十分心苦脉脉背斜陽  
色香空盡轉生香明月小銀塘桃根桃葉終相守伴殷勤雙  
宿鴛鴦菰米漂殘沈雲乍黑同夢寄瀟湘

秋水 聽雨

誰道破愁須仗酒酒醒後心翻醉正香銷翠被隔簾驚  
聽那又是點點絲絲和淚憶剪燭幽牕小愁嬌夢垂成  
頻喚覺一睚秋水 依舊亂蛩聲裏短檠明滅怎教人  
睡想幾年踪跡過頭風浪只消受一段橫波花底向擁  
髻燈前提起甚日還來同領畧夜雨空堦滋味

臨江仙 寒柳

飛絮飛花何處是層冰積雪摧殘踈踈一樹五更寒愛  
他明月好憔悴也相關最是繁絲搖落後轉教人憶  
春山滿裙夢斷續應難西風多少恨吹不散眉彎

踏莎行

春水鴨頭春山鸚鵡烟絲無力風斜倚百花時節好逢  
迎可憐人掩屏山睡密語移燈閒情枕臂從教醞釀  
孤眠味春鴻不解諱相思映窻書破人人字

百字令 廢園有感

片紅飛滅甚東風不語只催漂泊石上臙脂花上露誰  
與畫眉商畧碧甃餅沈紫錢釵掩雀踏金鈴索韶華如

夢爲尋好夢攢閣 又是金粉空梁定巢燕子滿地香  
泥落欲寫華箋憑寄與多少心情難託梅豆圓時柳綿  
飄處空覓當時約斜陽冉冉斷魂分付殘角

夫仙子

澤水亭秋夜

夢裏蘼蕪青一剪玉郎經歲音書遠暗鐘明月不歸來  
梁上燕輕羅扇好風又落桃花片

浪淘沙

紅影濕幽窻瘦盡春光雨餘花外却斜陽誰見薄衫低  
髻子還惹思量 莫道不淒涼早近持觴暗思何事斷  
人腸曾是向他春夢裏瞥遇迴廊

又

眉譜待全刪別畫秋山朝雲漸入有無間莫笑生涯渾  
似夢好夢原難紅味啄花殘獨自凭闌月斜風起袷  
衣單消受春風都一例若個偏寒

張

翼

字豫章江南華亭人  
康熙十四年舉人

鶴沖天

題蕤鮫小像和葆粉原韻

鷗汀鶴渚不是君棲處只合鳳池游清平句縱情深漁  
浦怎容得扁舟住有二三逸侶琴酒從容猶憶秋深白  
苧霜清烟暮幾度尋花去把釣得銀鱗呼童煮看鄰  
舟送酒儘消受篷牕雨桃笙八尺許丸髻吹簫繡被鄂



君情緒

高層雲

字謨苑江南華亭人康熙十五年進士至太常寺卿有改蟲齋詞一卷

齊天樂

蟬

枕屏曉殢行雲夢却早被伊催斷苦調纔終悽吟還續  
遞寫幾番幽怨柳塘聽倦忽竹院涼傳數聲差緩曲奏  
廻風蕭蕭落葉玉階滿愁聞最是旅客對前村幾樹  
頽照欹岍響咽尤悲音長轉涇引起離情無限當年蜀  
樓和嶺畔啼鵲鄉心曾亂一片秋容澹雲凝望遠

瑞花

雨中詠白丁香同蒼崑瑀湖

新妝澹抹婉約冰姿似飛瓊清絕輕烟絲雨扶不起緩

驪翠鈿珠纈含顰微睇見鉛水熒熒雙頰消幾番蝶使  
蜂媒慘淡髻雲肌雪 朱闌一掬芳塵悵洛浦凌波飛  
濺羅襪依稀倩影應減盡纖弱官腰裙摺梨雲夢冷怎  
禁得繡幃頻揭想晚來無限風情斜映半鉤新月

薄倖

桃花水

武陵漁艇過幾許烟條露梗試看取回塘新漲色與花  
光互映更曉風吹縹晴漪鱗鱗碧浪移船影縱玉膩難  
濡粉香空惹祇惜鉛華清冷 好待小雨初收越印得  
啼妝妍靚斜陽裏多少沉沉春思生憎輕薄嬌心性把  
閒情並逐行雲流轉任雙燕欲疑還省平潮漠漠飛去

飛來薄暝

催雪 珍珠蘭

露曉移姿風簾亞翠郢曲譜來應別倩蛾綠紋紗輕籠  
冶葉誰染淺檀魚子向碧縷烟裙黏珠纈尋香倦也素  
心含處應迷秋蝶幽絕妝乍怯正蟬翼半欹載來勻  
貼更霧濕芳叢擬趁涼月試問湘娥認否縱倚遍江花  
何曾折待貯得帳底清芬憎被小鬟偷揭

惜秋華

牽牛花

碧篠芳畦引輕絲細胃亂鬟稍露影淡銀河正好嫩涼  
初曙鹿籬裊裊隨風還倩把翠裙留住開處有疎蛩敗

葉殘蟬荒樹 黛色儘堪妒愛娟娟冷艷映冰奩眉嫵  
欹倦花鈿悽絕柳陰當午停梭閒對幽叢任銷凝隔紗  
無語愁暮洗秋容最宜纖雨

燕山亭

七月十五夜次友武曾錫鬯融谷單九過  
寓亭看竹同賦

淨洗涼陰看第一番秋月蟾光初滿幽徑客來未了閒  
情剩得歲華才半瘦竹捎風漾虛影簾旌低卷談讌恰  
潤遍晴畦韭花堪剪 回憶小築鷗池引疎翠娟娟繡  
苔侵硯還拚今夕當是鄉園須添冷香盈琰明日重尋  
應不少軟塵吹面游倦容易對舊時酒伴

澹黃柳

層湖遠碧倒浸蒼巖濕小閣圍山斜照入一片踈紅冷  
翠總是江南好秋色 弄殘墨閒窻正岑寂定回首認  
烟驛想荒池月澹沙鷗拍菰影蘋香舊村何處今夜夢  
輕難覓

齊天樂

送葉慕廬歸武昌

軟紅塵鎖長安近還尋楚樓橫笛鄂渚霜催楚山月冷  
漫叟杯尊猶濕黃衫烏幘颺一幅蒲帆影翻踈茨試譜  
茶經洗甌先點葉家白 幽探曾記雙屐吟情迷露草  
風鬢蕭瑟玉葉踐長檀香格小勝事空成陳迹蒼涼紫  
陌又一度重經短亭荒驛數盡棲鴉暝烟村樹隔

燕山亭

秋盡閒庭榆落葉聲

枝著新霜牆角老榆寫出秋容如許簾卷日斜影薄橫  
枝細響不隨風住掃盡清陰早誤了殘蟬吟露羈旅望  
一片蒼雲亂山秋暮向夜重攪閒愁間冷屋清燈鼠  
聲蟲語亭臯候晚沙嘴痕消漫憶古鄉烟浦簾外蕭蕭  
帶幾點打窻疎雨聽處正夢遠酒醒未曙

摸魚子

題毛會侯垂竿圖

訝娥江綠揉千頃吳綃數尺誰譜烟條故蹴斜汀外半  
拂燕梢柔櫓風欲度挂三扇低篷寫影眠鷗路晚來佳  
處正野漲平橋輕蓑小笠漠漠一溪雨家長沕我亦

烟波舊侶投竿當日情緒酒徒盡覓封侯矣漫向軟塵  
羈旅商去住趁春水桃花倚牒當沙渚逢君何許但茶  
竈香籠釣筒詩卷相對鏡中語

胡會恩

字孟綸德清人康熙十五年進士官至刑部侍郎有清芬堂集

南歌子

缺月窺虛牖高風剪敗桐夜涼香燭碧紗空爭柰年時  
人病雁聲中綠綺新愁結紅蕤舊約同歡期如夢太  
怱怱又是一簾秋雨颭芙蓉

張

集

字殿英號曼園青浦人康熙十五年進士官至兵部侍郎

浣溪沙

輕暖輕寒日易斜  
半山半水路方賒  
春歸無跡倩誰遮  
客舍蕭蕭憑好夢  
故園日日想名花  
去年雙燕已還

家

沈三曾

字允斌烏程人康熙十五年進士官詹事府贊善有賜書堂集

蝶戀花

風雨一天晴未得  
芳草菲菲早過清明節  
多事東風吹不歇  
梨花處處飄如雪  
曉夢方濃誰喚急  
却是呢喃低向幽人說  
無計留春春欲別  
來年再問春消息

沈

涵

字度汪歸安人康熙十五年進士官至內閣學士

虞美人



新涼曉透孤衾冷誰弄紗窗影聲聲却似子規啼報道  
不如歸去不如歸 呢喃雙燕思離別別盡江南客此  
宵閒夢是誰驚最恨西風落葉兩無情

葉舒崇

字元禮吳江人康熙十五年進士官中書舍人有謝齋集

浣溪沙

孤山別墅有感

彷彿清溪似若耶底須惆悵怨天涯青驄繫處是儂家  
生小畫眉分細繭近來綰髻學靈蛇粧成不耐合歡  
花

又

柳暖花寒懊惱時春情脉脉倩誰知  
廉纖香雨正如絲

團就鏡臺烏鴈墨寄來江上鯉魚詞此生有分是相思

又

潛背紅窻解珮遲銷魂爾許月明時羅裙消息落花知  
蝶粉蜂黃拚付與淺顰深笑總難知教人何處儼情痴

又

斗帳脂香夜半侵幾番絮語夢難尋清波一漾淚痕深  
南浦鶯花新別恨西陵松柏舊同心一番生受到而今

今

儲右文

字雲章宜興人康熙十六年舉人

點絳脣

憔悴心情春衫試著腰圍臈闌干閒凭一碧疎簾靜

那更東風落盡殘紅徑波光映空明如鏡絮拂娉婷影

毛遠公

字季遠蕭山人康熙十六年舉人榜姓王有瓊枝詞一卷

南歌子

玉露溥秋草金鐙拂夜花牆外早栖鴉不知天上月照

誰家

王修玉

字清修仁和人康熙十七年拔貢生有松壑堂集

小重山

池館芳菲綠樹濃鷗鴦雙浴水入花叢湘簾低挂玉堂  
空閒憑檻人在畫橋東樓上柳龍蔥春山芳草外兩  
三重當年春恨與誰同今依舊愁鎖小眉峰

吳

珩

字公瑜宜興人康熙十八年進士官莆田縣知縣

八聲甘州 百花洲

指迷離煙樹斷橋邊是處百花洲想輕鷗狎浪文魚戲  
沫錦纜牽舟幾度朝朝暮暮簫鼓醉中流傳得蓮娃曲  
付與吳謳可歎繁華歇絕把月臺花榭一霎都收在  
珠樓人墮香句鏡奩留說閑愁還無燕子只暮蟬高柳  
漫吟秋更無那凭闌望處夕照當樓

趙執信

字伸符益都人康熙十八年進士官左春坊左贊善有飴山詩餘一卷

浣溪沙

寒雨聲聲滴小牕清宵偏是到秋長  
愁人猶是滯江鄉  
宿酒醒來難續夢孤衾薄處早驚霜  
此時爭道不思量

楊大鶴

字九臯武進人康熙十八年進士官諭德

王阮亭云九臯爲陶雲難弟年未及終童而才情綺逸偶作小詞亦不減晏小山落花人獨立微雨燕雙飛之句也

蘇幕遮

惜花紅噴柳綠掩映湘簾訝許人如玉  
捲翠幙淺粧新

沐袖拂菱，斜顧湘裙幅。鬢雙垂腰一束，渾不勝衣。

漫說鰲綃薄約數年華，應十六鸚鵡偷傳小，避銀屏曲。

沈朝初

字洪生，吳縣人。康熙十八年進士官至侍讀學士，有不遮山閣詩餘二卷。

如夢令

花裏鶯聲歌溜簾外，海棠紅瘦寂寞倚欄杆。摘得青梅如豆低嗅低嗅，又是酸心時候。

點絳脣

薄病懨懨紅牕欲繡愁，添線桃花人面深鎖垂楊院。不是傷春一種閒情倦，憑誰倩珠簾斜捲放入雙歸燕。

國朝詞綜卷七

青浦王昶纂

彭孫適十四首

倪燦一首

汪霽一首

王頊齡四首

秦松齡三首

周清原二首

徐嘉炎一首

陸棻三首

湯斌一首

尤侗十首

高詠一首

方象瑛一首

毛奇齡五首

徐鉉三首

吳任臣一首

彭孫通

字駿孫號美門海鹽人順治十六年進士康熙十八年以主事召試博學鴻詞第一授

編修官至吏部侍郎

即有延露詞三卷

嚴秋水云美門驚才絕艷長調數十闕固堪獨步江左至其小詞啼香怨粉怯月凄花不減南唐風格

憶王孫 寒食

梨雲婀娜柳雲斜  
閑倚高樓數亂鴉  
惆悵王孫天一涯  
不歸家  
風雨年年葬落花

生查子 旅夜

薄醉不成鄉  
轉覺春寒重  
鴛枕有誰同  
夜夜和愁共  
夢好恰如真事往  
翻如夢起立  
悄無言  
殘月生西弄



浣溪沙

客中小寒食作

客裏佳辰祇自憐  
白榆初改漢宮煙  
覆堤柳色正三眠  
芳樹乍聞花氣息  
小樓幾見月團圓  
教人無奈暮春天

醉花陰

和漱玉詞同阮亭作

花影枝枝搖午晝  
桂炷銷金獸  
愁病怯登高  
幾陣西風吹得羅裳透  
闌干星月三更後  
玉露沾香袖  
心事寄誰行  
約畧腰身轉  
覺秋來瘦

宴清都

螢火

四壁秋聲靜  
疎簾外數點飛來  
破暝輕沾葉露  
暗棲花

蕊亂翻銀井有時團扇驚迴又巧坐人衣相映空自抱  
半晌微光願增照金樞景 幾番去傍深林來穿小幔  
高低不定隨風欲墮帶雨猶明流輝耿耿隋家宮苑何  
在腐草于今無片影向山堂且伴幽人琴書清冷金樞處李義山隋苑詩于今腐草無螢火杜詩忽驚屋裡琴書冷

綺羅香 春盡日有寄

翠遠浮空紅殘欲滴簾捲青山無數舊事難尋春色半  
歸塵土撲蝶會如夢光陰研花箋相思圖譜怪東風不  
爲吹愁凝眸又見碧雲暮 年來淪落已慣任一身長  
是飄零吳楚珠淚緘題恨字分明寄與想南樓柳絮飛

時是玉人夜來凭處應望斷遠水歸帆濛濛江上雨

花心動

早秋客思

幾陣西風涼氣滿林下乍收殘暑極目江天蹴雪驚沙  
千里迢迢吳楚殷勤謝茱萸灣水爲儂好向秦溪去還  
恐怕關山重疊雙魚無據冉冉年光欲暮正思歸未  
得含情誰語待折疏華寄取一枝又遠隔層城路倚樓  
人聽斷腸聲驚秋客到傷心處江南夢一曲瀟瀟暮雨

一寸金

蓮

水面新粧小著紅綃弄煙霧似艷分霞暈倚欄微笑嬌  
含檀粉向人低語渺渺愁無侶只成隊鴛鴦來去乍臨

風一種輕盈玉奴初學凌波步 此夜瑤臺月明香細

翠袖沾清露問玲瓏秋藕幾時絲盡鮮妍蓮子爲誰心

苦正隔江欲采盼佳期年華遲暮訴相思有恨無情夢

斷西洲路

西洲用古樂府語陸龜蒙蓮花詩無情有恨何人見

浣溪沙

閨情

翠浪生紋點曲池春深閨閣弄粧遲弓鞋羅襪踏青時  
鵝鬢輕分金縷縷燕釵低顫玉差差杏花春雨細如  
絲

又

蟬鬢裁成稱體衣暄妍風日燕交飛遠山如黛一行低

詩

雨滴櫻桃隨淚落心絨荳蔻少人知殘鶯新絮斷腸

桃源憶故人

社日

平皋翠縠濃於染一幅晴蕪青蒨舊社酒徒零亂添得  
紅襟燕 枌榆往事還重見竊炙歸來春宴人在櫻桃  
庭院今夜停鍼線

柳梢青

何事沉吟小窗斜日立遍春陰翠袖天寒青衫人老一  
樣傷心 十年舊事重尋回首處山高水深兩點眉峯  
半分腰帶憔悴而今

踏莎行 春暮

鶯擲金梭柳拋翠縷盈盈嬌眼慵難舉落花一夜嫁東風  
無情蜂蝶輕相許尺五樓臺鞦韆笑語青鞵濕透  
胭脂雨流波千里送春歸棠梨開盡愁無主

蘇幕遮 婁江寄家信

柳花風榆莢雨試問春光去也何匆遽紅淚飄零千萬  
樹縱有黃鶯啼到無聲處旅顏殘歸計誤日日尋思  
臨別叮嚀語欲倩文鱗傳尺素婁水無情不肯西流去

倪燦 字闇公上元人康熙十六年舉人十八年  
召試博學鴻詞授檢討有雁圖詞一卷

浣溪沙 暮抵香城寺

逐水尋幽路不窮溪聲一徑入空濛疎鐘遙度古城東  
野菊背開崩石下歸雲橫捲亂流中夕陽將盡佛燈  
紅

汪

霏

字朝采錢塘人康熙十五年進士十八年以  
行人司行人召試博學鴻詞授編修官至

戶部  
侍郎

浪淘沙

湖心亭楊柳

翠影接遙天還繫游船柔情黯黯不勝眠彈徹琵琶今  
夜月此際誰憐玉笛晚風前長倚朱闌歌鶯舞燕自  
年年寂寂空亭人去後一片寒烟

王頊齡

字顗士江南華亭人康熙十五年進士十八  
年以太常寺博士召試博學鴻詞授編修

官至武英殿大學士  
文恭有螺舟綺語一卷  
丁葑園云螺舟詞能于無景中著景此意近  
人所未解

長相思

孤館

風淒淒雨淒淒徹夜愁人聽未稀  
前村聞曙雞  
花飛  
飛柳依依惆悵春歸人未歸  
落紅漸漸微

點絳脣

春閨

日暖風和滿園桃杏都開了一聲啼鳥愁入眉尖小  
斗捲珠簾極目春光老  
長亭道馬嘶殘照十里青青草

清平樂

春暮

寂寥深院門掩春光短  
依舊楊花如雪亂  
別却東風一



半閒庭獨立移時玉釵斜挽花枝驚起多情雙蝶飛  
來飛去相隨

少年游 晚晴

霎時疎雨潤花房小徑踏空香淡雲拖處玉虹界斷返  
照一溪長珠簾半卷遙天暮無限意立斜陽十二煙  
鬟黛螺描取新試晚來粧

秦松齡

字漢石號對巖無錫人順治十二年進士授  
檢討罷康熙十八年召試博學鴻詞復授  
檢討官諭德有  
徵雲詞二卷

柳梢青

小艇橫斜故園輕別未是天涯秋雨殘燈秋心殘酒秋

色殘花 博山香裊窗紗夢斷也西陵路賒天外歸雲  
水邊歸舫煙際歸鴉

臨江仙

寒柳

向日風流今記否寒鴉宿處分明一灣殘照太無情照  
他憔悴了依舊下高城 行處尙疑攀折盡西風客路  
魂驚樓頭翠管已無聲紫騾渾不顧嘶過玉河冰

鎖窗寒

料峭西風箇人獨自下簾庭院鏡裏眉山約畧寒慄寒  
淺問淒涼心情自知近來耽悶閒鍼線愛長宵久坐繡  
窗微透一絲烟篆 莫怨韶華變只一片霜華清光堪

剪賣珠人去，剩有筆牀詩。卷還猜他翠袖，熏籠溫麝宿。  
火心字展待相逢，月轉闌干秋水芙蓉面。

周清原

字雅楫，武進人。康熙十八年以監生召試博學鴻詞，授檢討官。至工部侍郎，有浼初詞。

卷一

臨江仙

小徑平蕪秋水接殘陽，一片蒹葭拂溪衰柳，尙天斜晚。  
來人不到新雁落晴沙，霜雪未濃，繒繳遠，稻梁隨意。  
天涯夜深和月立，蘆花不隨秋去，燕羞共暮棲鴉。

菩薩蠻

畫簾風裊茶烟細，頻呼金雀煎勻未。指約玉瓠寒輕分。

小鳳團

槐陰低散處葉隱黃鵬語返照上窗紗棋聲

點落花

徐嘉炎

字勝力秀水人康熙十八年以監生召試博學鴻詞授檢討官至內閣學士有抱琴齋集

天香

龍涎香

燕脯難尋蛟腥易厭冰綃乍傾珠子蟾鑲消烟麝缸和  
月做出消魂滋味鮫宮帳冷漸芳入九微燈裏裊出雙  
烟噴碧團來半囊暈紫泠泠水晶簾捲悄疑寒熏籠  
壓被斜颺輕絲熨取枕痕釵膩長笛聲聲吹斷聽水靜  
微吟夜分未添取金爐氤氲帳底

陸

棻

字義山平湖人康熙六年進士十八年以內閣典籍召試博學鴻詞授編修官至內閣

學士有雅坪

詞譜三卷

蔣京少云義山詞體致修潔體物諸作尤極

工細

畱客住

鷓鴣

夕陽暮占山頭冷風如剪鉤  
駟格磔又向南雲飛去啼  
聲枉是淒楚渺渺江上孤帆  
畱不住木棉花老最銷魂  
此際亂峯無數隔殘雨野水  
黃昏漫天蘆絮旅夜難  
聞更帶幾聲杜宇多少桂陽  
行客吟罷沾衣淚添湘竹  
苦任教斑點似生香熟結擁  
爐愁炷李太白詩客自桂陽至能吟山鷓鴣  
香之佳者有鷓鴣斑

臺城路

遼后洗粧樓

九龍雕輦南京駐涼風幾番懷古鏡檻苔荒香渠石斷  
惟見啼鴉來去雙虹飲渚早吹漾秋紋亂雲漂絮荷殿  
依稀綠楊遮了苑西路 鈿車水流如故想紅樓舊影  
粧罷凝佇玉褪犀簾螺銷魚洗還認青山眉嫵斜陽滿  
樹響白塔空鈴珮環何處月徑猶聞繫婆深夜語

燕山亭

七月十五夜同竹垞武曾融谷覃九集護  
園竹屋

垂了簾衣宛在米家書畫船窗坐楸局未停玉子聲聲  
聽得賣花車過樹杪涼生吹幾葉絮雲低墮燈火暈粉  
莉娟筠翠捎香妥 纔度天上秋期對月徑風筵又陳

瓜果南槽紅友內樣青瓷今宵錦茵拚浣嘶騎頻催便  
醉也欲畱無那歸可料寫入竹溪有我

湯

斌

字孔伯睢州人順治九年進士康熙十八年  
以潼關兵備道召試博學鴻詞授侍講官  
至禮部尚書謚文正  
有潛庵文集詞附

滿庭芳

秋日閒居

雲澹霜洲雁飛葭浦兩行煙樹柴門紙窗茅屋秋氣映  
朝曦壯歲歸田作賦閒居好高卧邱園耦耕侶荷鋤問  
訊紅葉認山村漫論今古事柴桑谷口往蹟猶存但  
茶香竹裏酒沸松根倚枕清眠夢覺東籬看菊蕊堪殮  
憑欄坐南華一卷諷詠到黃昏

尤

侗

字展成號西堂長洲人拔貢生康熙十八年

以永平府推官召試博學鴻詞授檢討家

居後加侍講有

百末詞二卷  
曹顧庵云悔庵詞流麗圓轉如細管臨風新  
鶯啼樹至其感慨詠諧流傳酒樓郵壁又天  
然工妙直兼蘇辛秦柳諸家所長

卜算子

夜憶

秋雨急如箏彈破江南夢野外西風葉葉吹撼起棲鴉  
動夜永惜燈殘衾薄知寒重飛盡征鴻書曲冷  
文君弄

踏莎行

閨怨

獨上粧樓青山如昨畫眉彩筆春來閣休彈紅雨濕花



梢淚珠自向心頭落 可恨東風年年輕薄天涯不管  
人飄泊漫將薄倖比楊花楊花猶解穿羅幕

齊天樂

蟬

小園疎柳斜陽晚淒然數聲低喚吸露頻啼迎風乍咽  
迸出悲絲急管宮商偷換和五夜寒蛩一天哀雁恨殺  
螳螂驚回焦尾素絃斷 當年齊女曾變故宮衰草外  
何限秋怨羅袂無聲玉墀塵滿落葉幾番零亂餘音宛  
轉想動影低鬟粧殘簾捲杜老山妻夜飛人不見予去歲九月  
月病中詞有不見夜飛蟬山妻劇可憐之句今年九月  
婦亡亦詞讖也

憶王孫

閨情

一春心事付眉尖  
小院無人風雨纖  
落盡桃花倚繡奩  
思淹淹燕子歸來不捲簾

轉應曲 春雨

春雨春雨花上淚  
痕幾許東風吹到紗窗日  
日愁來斷腸腸斷腸斷又續新愁一半

天香

龍涎香

雲氣盤山雨痕粘草  
海天遙識龍睡細剪香  
涎平分瑞腦汎水滲沙  
同膩龍涎上品汎水次日滲沙  
烟鬟霧髻髻見纖綃  
泉底檀口唾花幾點  
絲絲篆成心字猶憶  
瑣窗半閉裊金鳬共  
消殘醉惆悵遺芳夢  
杳蘅蕪誰寄聚窟返魂

何處空畱下餘薰舊鴛被羸取鮫人玉盤珠淚

多麗 夏景

畫梁間日長午夢初殘倚薰風暈紅如醉無言情思闌  
珊捲桃笙自尋墜珥掩金詞斜撲輕紈茉莉茶甘鷓鴣  
香細儘堪消暑小屏山無心理鈿箏瑤管棋局也慵彈  
閒排遣碧敲冰脆紅點梅酸 侍兒報花梢月上清光  
怯映越羅單浴蘭湯微揩粉汗插犀梳亂挽雲鬟院落  
沉沉夜涼似水蕭郎頻喚展琅玕還一笑背人行去等  
待向更闌却尋到薔薇架下獨凭欄杆

滿江紅 余淡心初度和梅村韻

對酒當歌君休說麒麟圖畫行樂耳柳枝竹葉風亭月  
榭滿日淒涼汾水雁半生憔悴章臺馬問何如變姓隱  
吳門吹簫者蘭亭禊香山社桐江釣華林射更平章  
花案稱簞詩價作史漫嗤牛馬走詠懷却喜漁樵話看  
孟光把盞與眉齊皋橋下

又憶別院亭儀部兼懷西樵考功湖上

我發蕪城趲競渡一江風漲爲寄語他塘春草阿連無  
恙白舫已乘東冶下青驄尙躍西泠上問錢塘可接廣  
陵潮雙魚餉採蓮棹湖心漾折柳曲橋頭唱辦十千  
兌酒餘杭新釀王子正招緱嶺鶴孫登也策蘇門杖待

歸來贈我兩峯圖空濛狀

念奴嬌

贈吳梅村先輩用東坡赤壁韻

江山如夢歎眼前誰是舊京人物走馬蘭臺行樂處尙  
記紗籠題壁椽燭衣香少年情事頭白今成雪杜陵野  
老風流獨數詩傑更聽法曲淒涼四鉉彈斷清淚如  
鉛發莫問開元天寶事一半曉星明滅我亦飄零十年  
湖海看雨絲風髮何時把酒浩歌同送明月

高

詠

字阮懷宣城人康熙十八年以貢生召試博學鴻詞授檢討

聲聲慢

咏柳

隋隄銷翠漢苑飄金啼鶯曉斷高枝小繫青聽忽聽玉

笛橫吹江南舊栽幾樹未攀條先已含悲重記取只當年張緒  
鬚丰姿 暮地東風披處永豐坊那便腰細難支似媚還愁偷  
舒眠眼修眉催人鬢容易老是和烟經雨垂垂春占盡向紅亭  
又管別離

方象瑛

字渭仁遂安人康熙六年進士候選中行評博十八年召試博學鴻詞授編修官至侍

講

南柯子

飲稚黃宅

十日吳城卧三年越客吟良朋深喜愜幽襟長擬乘春過訪讀書林  
燒燭銀膏淺聽歌玉漏深勝游不得附知音惆悵梨花庭院月沉沉

毛奇齡

初名姓字大可蕭山人康熙十八年以監生召試博學鴻詞授檢討有毛翰林集填詞

卷六

姜汝長云河右詞其有精深其體溫麗戶網  
粘蟲枕聲停別次箭苦屑朱之落夢歡愁臂  
紅之銷腰慵結帶時作紫迴鎖喜看花暗相  
轉側此真靡曼之瑞辭夫豈纖庸之佚調

憶王孫

東風吹柳覆金堤夾岸紅樓望去迷日映游絲捲幔低  
畫橋西一樹嬌花鳥自啼

點絳脣

送春

惱殺啼鵲逢人還道春歸去畱人不住誰要畱春住  
花絮茫茫萬點愁人緒歸何處春歸無路莫是人歸路

滿庭芳

聽商生徵說琴水恩樓

微雨涼收風翻柳葉女牆斜照三星水恩樓上躡履暗  
中聽何處瑤琴初發珠簾外流水泠泠停聲久千崖忽  
墮玄鶴舞青冥汾亭遙奏後蕭憐秦女瑟怨湘靈奈  
晚風吹角秋雨淋鈴此際琴心到處東家女誰在銀屏  
屏中睡今宵無夢有夢也應醒

南柯子

淮西客舍接得陳徵止書有寄

驛館吹蘼葉都亭舞柘枝相逢風雪滿淮西記得去時  
殘燭照征衣曲水東流淺盤山北望迷長安書遠寄  
來稀又是一年秋色到天涯



南浦 和徐西崖贈別

最傷心處是紅亭載酒上河橋多少畫欄干外楊柳正  
垂條五兩南風欲度趁申江幾曲暮歸潮奈離筵人散  
贈鞭情重雙淚落征袍 此地遨遊堪戀遍亭臺春意  
閒花梢長載佳人油壁深夜教吹簫况值歌成南浦也  
爲君重撥紫檀槽且和歌一闕問當前誰最魂銷

徐

鉉

字電發吳江人康熙十八年以監生召試博學鴻詞授檢討有菊莊詞一卷楓江漁父

詞一卷

宋牧仲云菊莊憶秦娥菩薩蠻諸闕猶有南唐遺韻梁雲麓云菊莊高處在穠豔中時見本色葉景鴻云吳孝廉兆騫因丁酉科場事戍寧古塔將菊莊詞與彈指側帽三種

帶至會寧有東國都護府記官仇元吉前觀  
察判官徐良崎見之用金一餅購去仍各題  
一絕句於左仇元吉題菊莊詞云中朝寄得  
菊莊詞讀罷烟霞照海湄北宋風流何處是  
一聲鐵笛起相思故王阮亭先生有新傳春  
雪詠蠻徽纖弓衣之句今載漁洋山人續集  
中

鳳樓梧 春草

廣織絲雨春陰重嫩草平鋪低把金鞍鞚綠遍天涯無  
半縫憐伊歲歲和愁種飛絮落花都不動斗帳微寒  
自做池塘夢明日踏青誰與共芳郊怕損鞋頭鳳

減字木蘭花

垂鞭欲暮踏遍天涯荒草路撲了西風昨夜濃香是夢

山遠山幾點牽惹離愁渾欲斷衰柳鴉啼一片殘陽  
在客衣

江城子

閨怨

芳容消瘦柳腰柔話離憂捲簾鉤猶記別時南浦繫扁  
舟月誓香盟成底事千種意與東流從今羞整玉搔  
頭恨悠悠懶凝眸非是落花時節怕登樓縱掃雙眉青  
似黛鎖不斷許多愁

吳任臣

字志伊仁和人康熙十八年以  
諸生召試博學鴻詞授檢討

滿江紅

吳越故宮

鳳舞龍飛興王地澄江似練憶當日弭戈金馬幾番血

戰東府功勞成已往江南保障猶堪羨嘆百年轉盼幾  
多時如流電關杳餘荒甸殘碣仆多蒼蘚問而今  
何處丹書鐵券悲下風梧餓鳥墜殿前烟草青燐顛但  
寒潮嗚咽泣英雄無昏旦